


## შეხვედრა თსუ-ში დასაქმებულ სტუდენტებთან



20 ივლისს ივანე ჯავახიშვილის სახელობის თბილისის სახელმწიფო უნივერსიტეტში საქართველოს განათლებისა და მეცნიერების მინისტრის მოადგილეები შოთა ნიჭარაძე და ნოდარ სურგულაძე პროექტის „სტუდენტთა დასაქმების პროგრამა საზაფხულო არდადეგებზე“ („Summer Job“) ფარგლებში თსუ-ში დასაქმებულ სტუ-

დენტებს შეხვდნენ. პრეზიდენტის მიერ ინიცირებული პროექტი თსუ-ში 490-მდე სტუდენტი დასაქმდა ბიბლიოთეკასა და არქეოლოგიურ ექსპედიციაში. დასაქმებულ სტუდენტებს პირველი სამუშაო დღე ჰქონდათ თსუ-ის ბიბლიოთეკაში. ასევე, ერთი ჯგუფი გაემგზავრა კახეთში, მელაანში არქეოლოგიურ გათხრებზე სამუშაოდ.

## სექტემბრიდან ყველა სტუდენტი დაეზღვევა



33.3

## 20 ივლისიდან საქართველოს პრეზიდენტის მიერ ინიცირებული პროექტი „SUMMER JOB“-ი ამოქმედდა

„Summer Job“-ში მონაწილეობა საქართველოში ავტორიზებული უნივერსიტეტების ბაკალავრიატის სტუდენტებს შეუძლიათ.

პროექტის ფარგლებში ოცდახუთი ათასი სტუდენტი დასაქმდება და მათი ხელფასი 500 ლარი იქნება.

სტუდენტები 70-მდე სფეროში დასაქმდებიან, კერძოდ: სახელმწიფო დაწესებულებებში, ბიზნესის და არასამთავრობო სექტორებში, იურიდიულ კომპანიებში, მუზეუმებში, საავადმყოფოებში, თვითმმართველობის ორგანოებში და ა.შ. საქართველო პროექტში სახელმწიფო უწყებები და კერძო სექტორია ჩართული.

პროექტი „Summer Job“ გამოხსნის იმისათვის, რათა სტუდენტებმა კვალიფიკაციის ამაღლება და გამოცდილების მიღება შეძლონ. გამოუმუშავებული თანხით კი საკუთარი სწავლა დააფინანსონ ან შემეცნების, მოგზაურობის,



სტუდენტური დასაქმების პროგრამა

დასვენებისთვის და ა.შ. საკუთარი სურვილისამებრ გამოიყენონ.

ამგვარი პრაქტიკა დანერგულია და წარმატებით ხორციელდება დასავლეთის ქვეყნებში.

პროექტი „Summer Job“ 20 აგვისტოს დასრულდება.



საზოგადოებრივ თემაზეც უკვე ვფიქრობ

33.5



მცდელობა ადამიანების სიტყვით განაპურებისა

33.6



## მულტიმედიის ცენტრი — იდეების ლაბორატორია

### ლელა კვანტალიანი

საუნივერსიტეტო სივრცეში მულტიმედიის ცენტრი შეიქმნა, რომელსაც ცნობილი ჟურნალისტი და პროდიუსერი, თსუ-ის ჟურნალისტიკის მიმართულების პროფესორი რუსუდან ვაშაკიძე უხელმძღვანელებს. როგორც ცენტრის დებულებაშია მითითებული, სტუდენტთა ცხოვრებაში მულტიმედიის ცენტრს განსაკუთრებული ადგილის დამკვიდრება შეუძლია, ვინაიდან იგი, პირველ ყოვლისა, იქნება მათი დამხმარე საგანმანათლებლო და სამეცნიერო რესურსი.

მულტიმედია ცენტრი, ძირითადად, მოიცავს ინტერნეტ-ტელევიზიის, ინტერნეტ-რადიოს,

ინტერნეტ-გაზეთის/ჟურნალისა და სოციალური მედიის ფუნქციონირების უზრუნველყოფას.

მულტიმედია ცენტრის მიზნები და ამოცანებია: ცენტრის რესურსის ჩართვა უნივერსიტეტის სამეცნიერო და საგანმანათლებლო პროცესში სწავლების თანამედროვე და ეფექტური შესაძლებლობების გამოყენების მიზნით; მეცნიერების სფეროებში მიმდინარე თანამედროვე პროცესების საერთაშორისო სივრცეში სწრაფი ინტეგრაციის ხელშეწყობა; უნივერსიტეტის ცხოვრებისა და ისტორიის გაშუქება; მეცნიერების სხვადასხვა დარგის პოპულარიზაციის ხელშეწყობა; უნივერსიტეტის საგანმანათლებლო და სამეცნიერო-კვლევითი საქმიანობის ხელშეწყობა (სალექციო



კურსებზე დაფუძნებული მედია-პროდუქციის შექმნა, სამეცნიერო და კვლევითი პროცესების ვიზუალიზაცია და სხვა); სტუდენტთა ჩართვა ცენტრის საქმიანობაში; თანამშრომლობა სხვადასხვა სახის მედიასაშუალებებთან; მედია არქივის შექმნა, განახლება და განვითარება; უნივერსიტეტის სოციალურ და პოლიტიკურ მეცნიერებათა ფაკულტეტის ჟურნალისტიკისა და მასობრივი კომუნიკაციების მიმართულების და ჰუმანიტარულ მეცნიერებათა ფაკულტეტის კინო-ტელე რეჟისურის მიმართულების სწავლების პრაქტიკული კომპონენტების განხორციელებაში ხელშეწყობა.

მე-3 გვიარღვა

„სოჭის 2014 წლის ზამთრის ოლიმპიური თამაშები და ქართულ-ჩრდილოეთი ეკო-კულტურული გარემო“

33.2

თსუ-ის ეკონომიკის საერთაშორისო სკოლის დირექტორის გადაცემის საზიგო ცერემონია

33.2

ეროვნული ეკონომიკა და გლობალიზაცია

33.4

შეუფასებელი ანაბი

33.7

# „სოჭის 2014 წლის ზამთრის ოლიმპიური თამაშები და ქართულ-ჩერქეზული ეკო-კულტურული გარემო“



12 ივლისს ივანე ჯავახიშვილის სახელობის თბილისის სახელმწიფო უნივერსიტეტში გაიმართა საერთაშორისო სამეცნიერო სიმპოზიუმი „სოჭის 2014 წლის ზამთრის ოლიმპიური თამაშები და ქართულ-ჩერქეზული ეკო-კულტურული გარემო“.

თსუ-ის რექტორმა ალექსანდრე კვიციანი აღნიშნა, რომ „თსუ ყოველთვის მხარს უჭერდა ჩრდილოკავკასიელი ხალხების ტრადიციების შენარჩუნებას. ამის ერთ-ერთი ძლიერი ცენტრი იყო თსუ. ამ სიმპოზიუმითაც დასტურდება, რომ საქართველო არის დიდი კავკასიური სახლის გამაერთიანებელი.“

ლონისძიების ორგანიზატორის, ჩერქეზული კულტურის ცენტრის დირექტორის, თსუ-ის პროფესორის მერაბ ჩუხუას განცხადებით — „2014 წლის ზამთრის ოლიმპიური თამაშების მასპინძლად რუსეთის ფედერაციის ქალაქი სოჭი დასახელდა. აღნიშნული გადაწყვეტილება გახდა ერთგვარი კატალიზატორი მთელ მსოფლიოში მიმდინარე ჩერქეზული დიასპორებისთვის. ოლიმპიური თამაშების ჩატარებას იმ ადგილებში გეგმავენ, სადაც მე-19 საუკუნის მეორე ნახევარში ჩერქეზთა გენოციდი და მასობრივი იძულებითი დეპორტაცია განხორციელდა; ამ ადგილებში მრავლად ფიქსირდება გენოციდის მსხვერპლთა საფლავები და მნიშვნელოვანი არქეოლოგიური თუ კულტურული ძეგლები.“

მდგომარეობას ართულებს ის ფაქტიც, რომ ოლიმპიადის საორგანიზაციო კომიტეტმა სრულიად უგულვებლყო ოლიმპიადის ჩერქეზული ეთნიკური ფაქტორი ოლიმპიადის სიმბოლიკის დონეზეც კი. სოჭში ჩატარებულ ავტოქტონურ ხალხთა კონგრესზე ჩერქეზი ერის არცერთი წარმომადგენელი არ მიიწვიეს. რუსეთის ფედერაციაში ანტიოლიმპიური მოძრაობა ტაბუდადებულია.“

ჩერქეზული დიასპორას წარმომადგენელმა ალი ბერტგეზოვმა სოჭის ოლიმპიადაზე ჩერქეზი ხალხის კანონიერი მოთხოვნების დაფიქსირებას მოითხოვა: „ჩვენ მზად ვართ მოვისმინოთ სხვადასხვა მოსაზრება ამ თემაზე, განვიხილოთ, თუ როგორ აისახება ეს ოლიმპიადა ჩერქეზ ხალხზე“.

„სიმპოზიუმი კავკასიური სოლიდარობის კიდევ ერთი დადასტურებაა. რუსეთის ხელი-სუფლებამ ჩერქეზების სამართლიანი მოთხოვნები უგულვებლყო. ამავე დროს, ჩვენ ერთობლივი ძალით საერთაშორისო ოლიმპიურ მოძრაობას მივანდით მძლავრ აზრს იმიტომ, რომ მოახდინოს რუსეთზე ზეწოლა, რათა საქართველოს ბუნების განადგურების ვანდალური ქმედებები აღიკვეთოს“ — აღნიშნა საქართველოს პარლამენტის დიასპორისა და კავკასიის საკითხთა კომიტეტის თავმჯდომარემ ნუგზარ ნიკლაურმა.

სოჭის ოლიმპიადისთვის მზადებამ და წინასწარი სამშენებლო სამუშაოების წარმოებამ უკვე მიაყენა საქართველოს ტერიტორიების ოკუპირებული ნაწილის (აფხაზეთის) ეკოსისტემას გამოუსწორებელი ზიანი. ინტენსიურად მიმდინარეობს აფხაზეთის სანაპიროს მდინარეებიდან მნიშვნელოვანი რაოდენობით ინერტული სამშენებლო მასალების ამოღება (საჭირო რაოდენობა 100 მლნ. ტონას აჭარბებს). ამგვარი ქმედება გამოიწვევს სერიოზულ ნეგატიურ ეკოლოგიურ რყევებს. რასაც ემატება შემდეგი სამწუხარო რეალობა, რომ 90-იანი წლებიდან დასახლებულ ტერიტორიაზე აღარ ტარდება ნაპირდაცვითი ღონისძიებები და გაღრმავებულია სანაპირო ზოლის დესტაბილიზაციის პროცესი. ფაქტია, რუსეთი უხეზად არღვევს ოლიმპიური ქარტიის I თავის (ოლიმპიური მოძრაობა და მისი საქმიანობა) მე-2 ქვეთავის (საერთაშორისო ოლიმპიური კომიტეტის ამოცანები და როლი) მე-13 პუნქტს, რომელიც ცალსახადაა დაფიქსირებული, რომ „ნახალისებელი და მხარდაჭერილი იქნას პასუხისმგებლობა და ზრუნვა გარემოს დაცვისადმი, სპორტის განვითარებისას უზრუნველყოფილი იქნეს ეკოლოგიური პრინციპების დაცვა და ოლიმპიური

თამაშების ჩატარება ეკოლოგიის მოთხოვნათა შესაბამისად“.

სიმპოზიუმის გახსნის ცერემონიაში მონაწილეობა მიიღეს: საერთაშორისო ჩერქეზული საბჭოს თავმჯდომარემ იად იალარიმ (აშშ), ყაბარდო-ბალყარეთის საზოგადოებრივი მოძრაობა „ხასე“-ს თავმჯდომარემ იბრაჰიმ იაგანოვმა, ჩერქეზ ქალბატონთა საერთაშორისო ასოციაციის თავმჯდომარემ ჯინა ჰაბუქმა (აშშ), თურქეთის სოციალური პასუხისმგებლობის კორპორატიული ასოციაციის ხელმძღვანელმა სერდარ დინლერიმ (თურქეთი), ვარშავის უნივერსიტეტის პროფესორმა ვიტოლდ როდკიევიჩმა (პოლონეთი).

ლონისძიება დაფინანსდა შოთა რუსთაველის ეროვნული სამეცნიერო ფონდის 2012 წლის საკონფერენციო გრანტით.

სიმპოზიუმის ორგანიზატორები არიან თსუ და ჩერქეზული (ადილური) კულტურის ცენტრი. სიმპოზიუმი 13 ივლისს დაიხურა.

თსუ-ის საზოგადოებასთან ურთიერთობის სამსახური



## თსუ-ის ეკონომიკის საერთაშორისო სკოლის დიპლომების გადაცემის საზეიმო ცერემონია

ივანე ჯავახიშვილის სახელობის თბილისის სახელმწიფო უნივერსიტეტში ეკონომიკის საერთაშორისო სკოლის (ISET-აისეტი) მეხუთე თაობის ეკონომიკის მაგისტრების გამოშვების ცერემონია გაიმართა. ორწლიანი სამაგისტრო პროგრამის დასრულების შემდეგ, ეკონომიკის მაგისტრის ნოდება 27 სტუდენტს მიენიჭა.

საქართველოს ფინანსთა მინისტრმა დიმიტრი გვინდაძემ საუკეთესო მაგისტრანტს ალა ავოიანს valedictorian-ის (ვალედიქტორიანის) სერტიფიკატი გადასცა. სპეციალური დიპლომებით დაჯილდოვდნენ მაღალი აკადემიური მოსწრების მაგისტრანტები გივი მელქაძე და ნინო დოლონაძე, სპეციალურ სერტიფიკატები მიიღეს საუკეთესო თეზისების ავტორმა სტუდენტებმა, ხოლო ISET-ის

2012 წლის კლასის ლიდერს, ქეთევან მცურავივილს ნინო ქადაგიძე-ჟვანიამ ზურაბ ჟვანიას სახელობის პრიზი გადასცა.

როგორც თსუ-ის რექტორმა ალექსანდრე კვიციანი აღნიშნა, უკვე მეხუთე წელია ეს სკოლა ამზადებს ძალიან მაღალი დონის ეკონომისტებს. „მოხარული ვარ რომ თსუ-ს გააჩნია ასეთი ძლიერი ბაზა. ISET-ში სამი ქვეყნის საქართველოს, სომხეთის და აზერბაიჯანის წარმომადგენლები სწავლობენ. მომავალ სასწავლო წელს ველოდებით სტუდენტებს ირანიდან, ისრაელიდან და სხვა ქვეყნებიდან“ — აღნიშნა რექტორმა.

საუკეთესო მაგისტრანტის ალა ავოიანის თქმით, „ISET ამიერკავკასიაში საუკეთესო სკოლაა ეკონომიკის დარგში. აქ ჩამოდიან


პროფესორები სხვადასხვა უნივერსიტეტიდან, რომლებიც გვიკითხავენ კურსებს. ISET გვაძლევს საშუალებას შემდეგ სწავლა გავაგრძელოთ უცხოეთში. მე მივდივარ ნიუ-იორკის უნივერსიტეტში. ბევრი მიდის პრეზიდენტის საკრებულოში, რომელიც რჩებიან საქართველოში, იმუშავენ როგორც სამთავრობო, ისე არასამთავრობო ორგანიზაციებში“.

სამაგისტრო პროგრამის დასრულების შემდეგ ISET-ის კურსდამთავრებულებს შესაძლებლობა აქვთ სწავლა ნიუ-იორკის, სტენფორდის, ჩიკაგოს, პენსილვანიისა და სხვა დასავლეთის ქვეყნების უნივერსიტეტების დოქტორანტურაში განაგრძონ. მიღებული გამოცდილების და ცოდნის შედეგად კურსდამთავრებულები სახელმწიფო, კერძო

და საერთაშორისო ორგანიზაციებში წამყვან თანამდებობებზე დასაქმდებიან.

მაგისტრებისთვის დიპლომების გადაცემის საზეიმო ცერემონიას თსუ-ის რექტორი ალექსანდრე კვიციანი, საქართველოს ფინანსთა მინისტრი დიმიტრი გვინდაძე, საქართველოს ეროვნული ბანკის ვიცე-პრეზიდენტი არჩილ მესტირიშვილი, ამერიკის საავაჭრო პალატის აღმასრულებელი დირექტორი ჯორჯ ველტონი, საქართველოს ეროვნული ბანკის პრეზიდენტის მრჩეველი და აისეტის კვლევითი ინსტიტუტის ექსპერტი გიორგი ბაქრაძე, ნინო ქადაგიძე-ჟვანი და სხვა მონაწილე სტუმრები ესწრებოდნენ.

თსუ-ის საზოგადოებასთან ურთიერთობის სამსახური



# საქმიანობიდან ყველა სტუდენტი დაეზღვევა

დაზღვევა და ჯანდაცვის ხელმისაწვდომობა მთავრობის მთავარ პრიორიტეტს შორის დასახელდა. ჯანმრთელობის დაცვის მიზნით 4 წლის განმავლობაში ბიუჯეტიდან 3 მილიარდი ლარი გამოიყოფა. ჯანდაცვის სამინისტრო მოსახლეობის მეტად ინფორმირებისთვის ბანერებს ყველა კლინიკაში განათავსებს. ჯანდაცვის სახელმწიფო პროგრამის მიხედვით 2012 წლის 1 სექტემბრიდან ყველა სტუდენტი დაეზღვევა. აღნიშნული ინიციატივით პრეზიდენტი მიხეილ სააკაშვილი ბათუმში სტუდენტებთან შეხვედრისას გამოვიდა და მიმართა სტუდენტებს „მინცადამინც არ გჭირდებათ სამედიცინო მომსახურება, ღმერთმა არც დაგაჭიროთ, მაგრამ შეიძლება ბევრი სწავლისგან თვალები გეტკინოთ ან ფეხი გადაგბრუნდეთ, ამიტომ საჭიროა თითოეული თქვენგანის დაზღვევა“...

სტუდენტური დაზღვევა იმ პროგრამის ნაწილია, რომელიც ყველა მოქალაქის დაზღვევას ითვალისწინებს. 2012 წლის 1 სექტემბრიდან ჯანმრთელობის დაზღვევის სახელმწიფო პროგრამა გავრცელდება: 0-5 წლის (ჩათვლით) ასაკის ბავშვებზე, 60 წლის და ზემოთ ასაკის ქალებსა და 65 წლის და ზემოთ ასაკის მამაკაცებზე (საპენსიო ასაკის მოსახლეობა), სტუდენტებზე, შეზღუდული შესაძლებლობის მქონე ბავშვებზე, მკვეთრად გამოხატული შეზღუდული შესაძლებლობის მქონე პირებზე.

ახალ სადაზღვევო ინიციატივაზე ვესაუბრეთ ჯანდაცვის სამინისტროს სოციალური მომსახურების სააგენტოს ჯანმრთელობის დაზღვევის პროგრამების დეპარტამენტის უფროსს მანია კუბლაშვილს.

## ნანა ღირსიაშვილი

— რას მოიცავს სტუდენტური სადაზღვევო პაკეტი?

— საქართველოს მთავრობის 2012 წლის 7 მაისის №165 დადგენილების ფარგლებში სტუდენტების დაზღვევა ამოქმედდება 2012 წლის 1 სექტემბრიდან და დაზღვეული იქნება ყველა საქართველოს მოქალაქე, რომელიც „უმალესი განათლების შესახებ“ საქართველოს კანონითა და უმაღლესი საგანმანათლებლო დაწესებულების წესდებით განსაზღვრული წესით ჩაირიცხა და სწავლობს ავტორიზებულ უმაღლეს საგანმანათლებლო დაწესებულებაში ბაკალავრიატის, მაგისტრატურის და დიპლომირებული მედიკოსის/სტომატოლოგის, ქართულ ენაში მომზადების საგანმანათლებლო პროგრამის გასაღველად. ასევე, დაზღვეული იქნება საქართველოს მოქალაქე პროფესიული სტუდენტი, რომელიც სწავლობს „პროფესიული განათლების შესახებ“ საქართველოს კანონით განსაზღვრული პროფესიული საგანმანათლებლო პროგრამის მე-4 და მე-5 საფეხურებზე და ის პირები, რომლებიც სწავლობენ პროფესიული უმაღლესი საგანმანათლებლო პროგრამით გარდა საქართველოს მთავრობის 2009 წლის 9 დეკემბრის №218 დადგენილებით განსაზღვრული მოსარგებლებისა.

— რას ითვალისწინებს სტუდენტების ჯანმრთელობის დაზღვევის პირობები?

— სტუდენტების ჯანმრთელობის დაზღვევის პირობები ითვალისწინებს სამედიცინო მომსახურების ხარჯების ანაზღაურებას, რომელთაც დაფარავს მზღვეველი. მომსახურებაში შედის: სასწრაფო სამედიცინო მომსახურება; სამედიცინო ტრანსპორტირება; სასწრაფო დახმარების ბრიგადის მიერ განუხლები მომსახურება და, საჭიროების შემთხვევაში, სამედიცინო ჩვენებით პაციენტის ჰოსპიტალიზაციის უზრუნველყოფა — შესაბამისი

პროფილის უახლოეს კლინიკაში კრიტიკული და გადაუდებელი მდგომარეობების რეფერალური შემთხვევების მართვა, ადგილზე რეფერალური ბრიგადის მიერ განუხლები კონსულტაცია, მდგომარეობის სტაბილიზაცია, გართულებული შემთხვევების სამედიცინო ტრანსპორტირება (სპეციალური აპარატურით აღჭურვილი რეანიმობლით); ამბულატორიული მომსახურება (გეგმური ამბულატორიული მომსახურების მიღება შესაძლებელია მხოლოდ პირველად და ოჯახის ან სოფლის ან უბნის ექიმთან მიმართვის საფუძველზე); ოჯახის ან სოფლის ან უბნის ექიმის და ექთნის მიერ მინოდეტული ამბულატორიული მომსახურება, მათ შორის, პროფილაქტიკური აცრების ეროვნული კალენდრით გათვალისწინებული ვაქცინაციით უზრუნველყოფა (მხოლოდ აცრა-ვიზიტ); ჯანმრთელობის მდგომარეობისა და რისკ-ფაქტორების შეფასება; პრევენციული ღონისძიებები; დაავადებათა დიაგნოსტიკა და მართვა; პალიატიური მზრუნველობა, ასევე, საჭიროების შემთხვევაში, მომსახურება ბინაზე (კომპეტენციის ფარგლებში); ექიმ-სპეციალისტების მიერ მინოდეტული ამბულატორიული მომსახურება ოჯახის ან სოფლის ან უბნის ექიმის დანიშნულებით; ექიმის დანიშნულებით ამბულატორიულ დონეზე ინსტრუმენტული გამოკვლევები: ელექტროკარდიოგრაფიული, ნებისმიერი ექოსკოპიური და რენტგენოლოგიური გამოკვლევები (რენტგენოსკოპია, რენტგენოგრაფია, მამოგრაფია და კომპიუტერული ტომოგრაფია) — კომპიუტერული ტომოგრაფია ითვალისწინებს ასანაზღაურებელი თანხის 20%-ის თანაგადახდას მოსარგებლის მხრიდან.

მომსახურებაში ასევე შედის: ამბულატორიულ დონეზე ყველა სახის სამედიცინო ცნობების, დასკვნებისა და რეცეპტების გაცემა, მათ შორის, ინკურაბელური პაციენტებისათვის ტკივილგამაყუჩებელი მედიკამენტების რეცეპტების გაცემა (გარდა



სამსახურის დანებებასთან დაკავშირებული ფორმა IV-100/ა, სსიპ – საქართველოს შინაგან საქმეთა სამინისტროს მომსახურების სააგენტოში ავტომობილის მართვის მონობისა და იარაღის შენახვის/ტარების უფლების მისაღებად წარსადგენი ცნობების); გადაუდებელი ამბულატორიული მომსახურება (მათ შორის, ჯანდაცვის სახელმწიფო პროგრამების ფარგლებში შესყიდული სპეციფიკური შრატებითა და ვაქცინებით მომსახურების უზრუნველყოფა); სტაციონარული მომსახურება: გადაუდებელი სტაციონარული მომსახურება, მათ შორის, ინფექციურ დაავადებებთან და ინკურაბელური პაციენტების პალიატიურ მზრუნველობასთან დაკავშირებული ჰოსპიტალიზაცია, გართულებულ ორსულობასთან, მშობიარობასა და ლოგინობის ხანასთან დაკავშირებული ოქსპიტალიზაცია; გეგმური ქირურგიული ოპერაციები (მათ შორის, დღის სტაციონარი), ასევე, გეგმურ ქირურგიულ ოქსპიტალიზაცია-სთან დაკავშირებული (პერიოპერაციული) ლაბორატორიული და ინსტრუმენტული გამოკვლევები – სადაზღვევო წლიური ლიმიტი 15 000 ლარი. ითვალისწინებს 20%-იან თანაგადახდას მოსარგებლის მხრიდან.

დაზღვევის გზით შესაძლებელია ონკოლოგიურ პაციენტთა მკურნალობა და დიაგნოსტიკა, კერძოდ, ქიმიოთერაპია, ჰორმონოთერაპია და სხივური თერაპია, აგრეთვე, ამ პროცედურებთან დაკავშირებული გამოკვლევები და მედიკამენტები – სადაზღვევო წლიური ლიმიტი 15 000 ლარი. ითვალისწინებს 20%-იან თანაგადახდას მოსარგებლის მხრიდან.

სადაზღვევო ლიმიტი 500 ლარი გათვალისწინებულია მშობიარობაზე (საკეისრო კვეთის ჩათვლით) – რაც ასანაზღაურებელი თანხის 20%-ს შეადგენს.

— სადაზღვევო პაკეტით გათვალისწინებულია თუ არა ქიმიოთერაპია და მედიკამენტები?

— სტუდენტთა სადაზღვევო პაკეტში გათვალისწინებულია ონკოლოგიურ პაციენტთა მკურნალობა და დიაგნოსტიკა, კერძოდ, ქიმიოთერაპია, ჰორმონოთერაპია და სხივური თერაპია, აგრეთვე, ამ პროცედურებთან დაკავშირებული გამოკვლევები და მედიკამენტები – სადაზღვევო წლიური ლიმიტი 15 000 ლარი. ითვალისწინებს 20%-იან თანაგადახდას მოსარგებლის მხრიდან.

— ჯანდაცვის სადაზღვევო პროგრამის მიხედვით არის თუ არა გათვალისწინებული დაავადებათა ადრეული გამოვლენა და ასაკობრივი რისკ-ფაქტორები?

— დაავადებათა ადრეული გამოვლენა და ასაკობრივი რისკ-ფაქტორები გათვალისწინებულია საქართველოს მთავრობის 2012 წლის 15 მარტის 92 დადგენილებით დამტკიცებული „დაავადებათა ადრეული გამოვლენა და სკრინინგის“ სახელმწიფო პროგრამით, რომლის მოსარგებლებად განისაზღვრებიან სახელმწიფო დაზღვევის ფარგლებში დაზღვეული ბენეფიციარებიც.

შეგახსენებთ, რომ სტუდენტები სპეციალური სტუდენტური ფასდაკლების ბარათით ასევე ისარგებლებენ სხვადასხვა შეღავათებით, კერძოდ, მგზავრობის, ბარემში, სუპერმარკეტებში, საბანკო მომსახურებისა და კომერციული ოპერაციების დროს.

# მულტიმედიის ცენტრი — იდეების ლაბორატორია



პირველი გვერდიდან

უნივერსიტეტის რექტორი ალექსანდრე კვიციანი ცენტრის ფუნქციონირებაზე დიდ იმედებს ამყარებს და მიაჩნია, რომ მისი ამოქმედება უნივერსიტეტში სტუდენტთათვის პრაქტიკული უნარ-ჩვევების შექმნის პრობლემას მოხსნის.

მულტიმედიის ცენტრის ხელმძღვანელს რუსუდან ვაშაკიძეს გაცხადებული გეგმების გარდა სხვა არაერთი საინტერესო იდეაც აქვს, რომელსაც ცენტრის ამოქმედების შემდეგ განახორციელებს.

„მულტიმედია ცენტრის საქმიანობაში ჩართვა შეეძლება როგორც ჟურნალისტიკის მიმართულების სტუდენტებს, ასევე, სხვა ფაკულტეტის სტუდენტებსაც. ამ მიმართულებით ძალიან საინტერესო პროექტები და იდეები გვაქვს და ვფიქრობ, რომ ჩვენი მიდგომა ხელს შეუწყობს უნივერსიტეტში კომუნიკაციისა და, ზოგადად, ფაკულტეტებისა და სტუდენტების ინტეგრირების პროცესს. ვფიქრობთ, გავაკეთოთ შემეცნებითი გადაცემები; გადავიღოთ დოკუმენტური ფილმები, რომელიც უნივერსიტეტთან იქნება დაკავშირებული; უზრუნველყოფთ რამდენიმე ლექტორის ლექციისა და სტუდენტთა საინტერესო კვლევის ვიზუალიზაციას; დაფუთვით ასაპრეზს ყოფილ უნივერსიტეტელებს; იქნება თოქ-შოუები; მოვანყობთ შეხვედრებს ლექტორებთან, საინტერესო ადამიანებთან... ამ ყველაფერს უნივერსიტეტის სტუდენტები გააკეთებენ. მულტიმედიის ცენტრი იქნება ერთგვარი სასწავლო ლაბორატორია, სადაც ისინი პრაქტიკას გაივლიან. კარგი პროდუქცია დაიღება ვებ-გვერდზეც. ჩვენ გამო-

ვაცხადებთ კონკურსებსაც და თუკი, მაგალითად, ფიზიკოს სტუდენტს სატელევიზიო გადაცემის კარგი იდეა გაუჩნდება, მასაც მივცემთ თვითრეალიზების საშუალებას.

მოკლედ, კონცეფცია და სტრუქტურა მზად გვაქვს. ცენტრს ეყოლება რამდენიმე მონვეული თანამშრომელი, ძირითადად ბირთვის კი სტუდენტობა წარმოადგენს. რამდენადაც ცნობილია, ჩვენ უკვე ოქტომბრიდან შევუდგებით მუშაობას“, — აღნიშნა მულტიმედიის ცენტრის დირექტორმა რუსუდან ვაშაკიძემ.



„სტუდენტთა სტაჟირების გავლის მიზნით ჩვენ გვაქვს გაფორმებული რამდენიმე მამორანდუმი ტელევიზიებთან, მაგრამ ეს ნაკლებად ეფექტურია სანაწარმო პროცესისთვის. სწორედ ამიტომ აჩვენა საუნივერსიტეტო ინტერნეტ-ტელევიზიის შექმნის იდეა, რაც კიდევ უფრო განავითარებს და დავაარსეთ მულტიმედიის ცენტრი. ცენტრს, რომელსაც სატელევიზიო სივრცეში გამოცდილი პროფესიონალი პროდიუსარი რუსუდან ვაშაკიძე უხელმძღვანელებს, სავარაუდოდ, საქმიანობა მოჰყოფა „ავამუსავებთ“, — აღნიშნა ალექსანდრე კვიციანი.

# ეროვნული ეკონომიკები და გლობალიზაცია

## ნანა ღირსიაშვილი

28-29 ივნისს თსუ-ის პაატა გუგუშვილის ეკონომიკის ინსტიტუტში გაიმართა პროფესორ გიორგი წერეთლის დაბადების 60 წლისთავისადმი მიძღვნილი ფართომასშტაბიანი საერთაშორისო სამეცნიერო პრაქტიკული კონფერენცია, რომლის თემა გახლდათ: „ეროვნული ეკონომიკები და გლობალიზაცია“.

კონფერენციის ორგანიზატორი იყო თსუ-ის პაატა გუგუშვილის ეკონომიკის ინსტიტუტი და მხარდამჭერი ორგანიზაციები: გურამ თავართქილაძის სასწავლო უნივერსიტეტი და აკაკი წერეთლის სახელობის ქუთაისის სახელმწიფო უნივერსიტეტი.

კონფერენციაზე გაიმართა პლენარული სხდომა და შემდეგ იგი 5 თემატურ სექციად დაიყო: ეკონომიკური თეორიის, მაკროეკონომიკის, ფინანსებისა და საერთაშორისო ეკონომიკის, ბიზნესის პრობლემებისა და სექტორული და რეგიონული ეკონომიკის სექციად.

ქართველ მეცნიერთა გარდა კონფერენციის მუშაობაში მონაწილეობას იღებდა საზღვარგარეთის 40 წარმომადგენელი.

ეკონომიკის ინსტიტუტის დირექტორმა, ეკონომიკურ მეცნიერებათა დოქტორმა, პროფესორმა რამაზ აბესაძემ კონფერენციის გახსნის დროს აღნიშნა, რომ კონფერენციის მიზანია ხელი შეუწყოს გლობალიზაციის პროცესის სწორად წარმართვას ეკონომიკის სფეროში, ვინაიდან გლობალიზაციის არასწორი მიმართულებით განვითარება შესაძლებელია კაცობრიობისათვის კატასტროფით ან ეროვნული თვითმყოფადობის განადგურებით დამთავრდეს. მან გამოთქვა რწმენა, რომ კონფერენცია კიდევ ერთი წინგადადგმული ნაბიჯი იქნება ეკონომიკის ინსტიტუტის სამეცნიერო დონის ამაღლებისკენ, რაზეც მეტყველებს თუნდაც ის ფაქტი, რომ დღეს აქ იმყოფებიან აღიარებული მეცნიერები, რომლებიც თავის გამოცდილებასა და პრაქტიკული კვლევის შედეგებს გაგვიზიარებენ.

ინსტიტუტის დირექტორმა, ეკონომიკის მეცნიერებათა დოქტორმა, პროფესორმა რამაზ აბესაძემ თავის მოხსენებაში აღნიშნა, რომ გლობალიზაცია წარმოადგენს საბოლოოდ დედამიწის ერთიან ეკონომიკურ, ტექნოლოგიურ, პოლიტიკურ და კულტურულ ერთობად ჩამოყალიბების პროცესს, ცალკეული ქვეყნის სახელმწიფოებრიობისა და ეროვნული თვითმყოფადობის შენარჩუნების პირობებში; თანამედროვე ეტაპზე თავბრუდამხვევი ტემპებით მიმდინარეობს ეროვნული ეკონომიკის ტრანსნაციონალიზაცია; ხორციელდება მსოფლიო საფინანსო ბაზრების ფორმირება და მათი არნახული დივერსიფიკაცია; ძლიერდება უნიფიკაციის ტენდენცია ტექნოლოგიის, ეკოლოგიის, საბუნებრივი და სტატისტიკური აღრიცხვის, განათლების, კულტურისა და სხვა სფეროებში; ხორციელდება მსოფლიო საკომუნიკაციო ქსელის დივერსიფიკაცია; ყალიბდება მძლავრი საერთაშორისო ეკონომიკური ორგანიზაციები, რომლებიც



მთელ მსოფლიოში წერგავენ მაკროეკონომიკური პოლიტიკის ერთიან კრიტერიუმებს და თანდათან ახდენენ გლობალიზაციის ინსტიტუციონალურ გაფორმებას. მათი გადაწყვეტილებები სულ უფრო ხშირად ხდება იურიდიულად აუცილებელი ნომინალურად სუვერენული სახელმწიფოებისათვის; გლობალიზაცია შეიჭრა შიდასახელმწიფოებრივ სფეროშიც და თანდათან ხდება შიდა ცხოვრების ერთერთი განმსაზღვრელი ფაქტორი, რომლის სიძლიერე ბევრად აჭარბებს ეროვნული სახელმწიფოს შესაძლებლობებს; ძლიერდება საერთაშორისო კონკურენცია ისეთ სუბიექტებს შორის, რომელთაც არ აქვთ განსაზღვრული სახელმწიფოებრივი წარმომოხა და რომლებიც კონკურენციას უწევენ ეროვნულ კომპანიებს, დევნიან რა მათ საკუთარი ბაზრებიდან; სულ უფრო და უფრო მეტი სახელმწიფო ებმება გლობალიზაციის პროცესებში, ყალიბდება გლობალური ცივილიზაციის

შესაბამისი საერთო ჩვევები, გემოვნებები, ფასეულობები, შეხედულებები, აზროვნება და ა.შ. მან დაახასიათა გლობალიზაციის დადებითი და უარყოფითი მხარეები და ისაუბრა გლობალიზაციის მომავალზე. გლობალიზაციის პრობლემა გარდამავალი ეკონომიკის ქვეყნებში მომსახურების სფეროსა და სამრეწველო ფორმების საექსპორტო საქმიანობის ურთიერთკავშირის ლიბერალიზაციის საკითხებზე ისაუბრა ეკონომიკის მეცნიერებათა დოქტორმა, პროფესორმა გიორგი ბერულავამ. საყურადღებო იყო პლენარულ სხდომაზე უკრაინის ეკონომიკურ მეცნიერებათა აკადემიის აკადემიკოსის, პოლტავის ეკონომიკისა და ვაჭრობის უნივერსიტეტის კვალფიციაციის ამაღლებისა და გადაამზადების დარგთაშორისი ინსტიტუტის დირექტორის, ეკონომიკის მეცნიერებათა დოქტორის იგორ ბრიტჩენკოს მოხსენება, რომელიც ეხებოდა ბიზნესგანათლე-

ბის მდგომარეობას უკრაინაში. მან შედარებები გააკეთა უკრაინის ამ სფეროში საქართველოსა და სხვა ევროპულ ქვეყნებთან და აღნიშნა, რომ ყოფილი საბჭოთა კავშირის ქვეყნები ამ კუთხით იმყოფებიან ძალიან დიდი კონკურენციული წნეხის ქვეშ და ერთადერთ გამოსავლად მიაჩნია ამ ბიზნესგანათლების სფეროში ინოვაციური მიდგომების დანერგვა. განვითარებული გლობალური ფინანსური კრიზისის გამოვლინების ერთ-ერთ ფორმაზე — სავალუტო კრიზისზე ისაუბრა საქართველოს მეცნიერებათა ეროვნული აკადემიის წევრ-კორესპონდენტმა, ეკონომიკის მეცნიერებათა დოქტორმა, პროფესორმა ვლადიმერ პაპავამ. ოკეანის პარამეტრის შეფასების ეკონომეტრიკულ პრობლემებს ეძღვებოდა თსუ-ის სრული პროფესორის, ეკონომიკის მეცნიერებათა დოქტორის იური ანანიაშვილის მოხსენება. ეკონომიკის მეცნიერებათა

დოქტორმა, პროფესორმა ავთანდილ სულაბერიძემ თავის მოხსენებაში ყურადღება გაამახვილა ოჯახის ტრანსფორმაციის პრობლემებზე საქართველოში.

ლიტვანიაში საპენსიო სისტემის რეფორმის საკითხებზე, მოსახლეობის დაბერებასთან კონტექსტში, ისაუბრა ვილნიუსის უნივერსიტეტის საერთაშორისო ბიზნესის სკოლის ასოცირებულმა პროფესორმა, ეკონომიკის დოქტორმა ლარისა ბელინსკაიამ. მან ეს პრობლემები განიხილა ევროპულ ქვეყნებთან მიმართებაში, გლობალური კრიზისის პირობებში.

ამავე უნივერსიტეტის პროფესორმა, ეკონომიკის დოქტორმა გინდრა კასანაუსკიენემ ეს პრობლემები უფრო დააკონკრეტა და დეტალურად განიხილა ეკონომიკური გამოწვევები ლიტვის მოსახლეობის დაბერების ტენდენციებსა და თავისებურებებთან მიმართებაში.

კონფერენციის პლენარულ სხდომაზე, ასევე, საინტერესო მოხსენებები წაიკითხეს უცხოელმა მეცნიერებმა: ვალენტინა ორლოვამ (უკრაინა), ნატალია რადმა (უკრაინა), არტურას ვიტასმა (ლიტვა) და სხვებმა.

პლენარული სხდომის შემდეგ გაიმართა სექციური მუშაობა, და ბოლოს გაიმართა კონფერენციის მუშაობის შემაჯამებელი სხდომა. როგორც საზღვარგარეთელი, ისე ქართველი მეცნიერების მიერ გამოთქვა მოსაზრება, რომ კონფერენცია ჩატარდა მაღალ მეცნიერულ დონეზე და რომ აუცილებელია კონფერენციაზე გამოთქმულ მოსაზრებათა, წინადადებათა და დასკვნათა საფუძველზე შემუშავდეს რეკომენდაციები, რომელიც დაეგზავნება შესაბამის ინსტანციებს. ამისათვის შეიქმნა რეკომენდაციების შემუშავებელი კომისია.

კონფერენციის მეორე დღეს გაიმართა პროფესორ გიორგი წერეთლის დაბადებიდან მე-60 წლისთავისადმი მიძღვნილი საინფორმაციო უნივერსიტეტის სხდომა. სხდომას უძღვევოდა ინსტიტუტის დირექტორი, ეკონომიკურ მეცნიერებათა დოქტორი, პროფესორი რამაზ აბესაძე, რომელმაც ისაუბრა პროფესორ გიორგი წერეთლის ცხოვრებისა და მოღვაწეობის შესახებ.

სხდომაზე მოგონებებით გამოვიდნენ: საქართველოს მეცნიერებათა აკადემიის წევრ-კორესპონდენტები ვლადიმერ პაპავა, ლეო ჩიქავა, ავთანდილ სილაგაძე; ეკონომიკის მეცნიერებათა დოქტორები, პროფესორები: მიხეილ ჯიბუტი, ავთანდილ სულაბერიძე, იური ანანიაშვილი; ეკონომიკის დოქტორი დემნა კვარაცხელია და სხვები.

კონფერენციის მსვლელობის დროს გაიმართა კულტურული ღონისძიებები.

შეიძლება ითქვას, რომ აღნიშნული კონფერენცია, მნიშვნელოვანი მოვლენა იყო არა მხოლოდ ეკონომიკის ინსტიტუტის, არამედ მთელი უნივერსიტეტის სამეცნიერო ცხოვრებაში. ასეთი ღონისძიებები ხელს უწყობენ საერთაშორისო სამეცნიერო კავშირების განვითარებასა და მეგობრული ურთიერთობების გაძლიერებას ხალხთა შორის.



# საზოგადოებრივი თემებზე უკვე ვფიქრობ

ლელა კვანტალიანი

წარმატებულ, კრეატიული იდეების მქონე სტუდენტს საკუთარი თავის დახასიათება უჭირს. ფიქრობს, რომ შრომისმოყვარე არ არის, თუმცა მიზანდასახულობა მისი ერთერთი თანმდევი თვისებაა. თუ თავში იდეა მოუვიდა და რაღაც ჩაიფიქრა, აუცილებლად განახორციელებს. პუნქტუალური ნაკლებად და ეს ინტერვიუსთვის დათქმულ დროსაც გამოავლინა. ყველაზე მთავარი, დადებითი თვისება, რაც გააჩნია და თავდაცვამბობს, სიკეთის კეთებაა. „როდესაც ადამიანს ეხმარები, არ უნდა ფიქრობდე იმაზე, რომ შემდეგ მანაც კარგი უნდა გაგიკეთოს. შეიძლება დაკარგო დრო, მაგრამ სხვას ხელი ყოველთვის უნდა გაუმართო“, — ამბობს მიხეილ გაბელია. სწორედ ეს არის სოციუმის იდეა — საზოგადოების ურთიერთდახმარება. მისი შექმნილია სტუდენტებისთვის ცნობილი და საყვარელი ვებ გვერდი — socium.ge მიხეილ გაბელია წელს ამთავრებს ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტს.

იხსენებს, რომ საკმაოდ ჭირვეული ბავშვი იყო, მაგრამ ყველა სურვილს უსრულებდნენ, სურვილები კი, ძირითადად, სუპერგმირების სათამაშოების ქონას უკავშირდებოდა. სკოლაში ჩხორონყუს რაიონში სწავლობდა, 9 კლასის ატესტატის აღების შემდეგ კი სწავლა გრიგოლ რობაქიძის სახელობის ლიცეუმში გააგრძელა. როდესაც უნივერსიტეტში ჩააბარა, უფრო „ჩაკეტილი“ იყო, ვიდრე მშობლიურ სკოლაში.

ახლა, როდესაც რამდენიმე წლის წინანდელ წარსულს უბრუნდება და მას დღევანდლობას ადარებს, თამამად ამბობს: „მე, პატარა მეგრელი ბიჭი, რომელიც მხოლოდ ინტერნეტითა და ვირტუალური სივრცით ვიყავი დაინტერესებული, წარმოიდგინეთ, რომ ახლა საზოგადოებრივ თემებზეც ვფიქრობ“.

პროფესიის არჩევის პროცესს მიხეილ გაბელია იუმორით იხსენებს: „პროფესიის არჩევის გადაწყვეტილება „ქართულად“ მივიღე. სოციალურ და პოლიტიკურ მეცნიერებათა ფაკულტეტს დიპლომატიურს უწოდებდნენ. რაიონში უნდოდათ ერთი დიპლომატი და მეც ამიტომ ჩავაბარე. ეს უფრო ოჯახის გადაწყვეტილება იყო, რადგან კარგად არ მქონდა გაცნობიერებული — რას ნიშნავდა დიპლომატიური საქმიანობა. უფრო მეტად გატაცებული ვიყავი ინფორმაციული ტექნოლოგიებითა და კომპიუტერებით“.

საერთაშორისო ურთიერთობის მიმართულებაზე ჩაბარების მსურველთა რიცხვი იმ წელს, როცა აბარებდა, საკმაოდ მაღალი იყო, სწორედ ამიტომ კონტინგენტის შესარჩევად კონკურსის წესით ინგლისურის გამოცდა დაინიშნა. მიშამ, დაწესებულ ზღვარზე — 71 ქულა-

ზე ერთი ქულით ნაკლები მიიღო და პოლიტოლოგიაზე ჩაირიცხა. თუმცა, მისი პროფესიის შეცვლის პროცესი ამით არ დასრულებულა. იგი დიდი სითბოთი იხსენებს ლექტორებს, რომლებმაც მასზე განსაკუთრებული შთაბეჭდილება დატოვეს: „მახსოვს პირველი ლექცია, რომელიც მარინე ჩიტაშვილმა ჩაატარა. მან მიმახვედრა, რომ ჩემი საკმე ფსიქოლოგობა არ იყო და ჩემი თავი მაპოვნინა. აგრეთვე, განსაკუთრებული შთაბეჭდილება დატოვა ბატონმა მალხაზ მაცაბერიძემ, ბოლოს კი, ბატონმა ამირან ბერძენიშვილმა, რომელმაც გადამანყვეტინა კიდევ ერთხელ შემეცვალა მიმართულება და სოციოლოგი გავმხდარიყავი. გარდა პროფესიონალიზმისა, მას სტუდენტებთან იმდენად უშუალო და მეგობრული დამოკიდებულება აქვს, რომ მაშინვე მივხვდი, რომ ამ ადამიანთან ერთად ბევრი კარგი საქმის გაკეთება შეიძლება“.

მიშა გაბელიამ ამირან ბერძენიშვილთან ერთად მართლაც შეძლო კარგი საქმის გაკეთება. socium.ge-ს დაარსების იდეა მან ბატონ ამირანს 2007 წელს გაანდო და აღმოჩნდა, რომ ამირან ბერძენიშვილსაც ჰქონდა მსგავსი აზრი. სწორედ, მათი ერთობლივი ძალებით შეიქმნა socium.ge „საიტის შექმნისთვის საჭირო ფინანსები მან თავად გადაიხადა, ხოლო კომპიუტერის სიყვარულიდან გამომდინარე, ტექნიკურად ყველაფერი მე გავაკეთე. დავინყეთ მასალების დამუშავება და განთავსება“, — ამბობს მიშა გაბელია.

საიტი ნელ-ნელა უფრო და უფრო პოპულარული გახდა. ასე რომ, 2007 წელს დანერგულმა იდეამ გაამართლა და პროექტმა ხალხი შემოიკრიბა. დღეს უკვე ამ საიტის განვითარებაში, როგორც თავად მიხეილ გაბელია აღნიშნავს, 15-მდე ადამიანი მონაწილეობს.

„socium.ge ინფორმაციული საზოგადოების განვითარების ინსტიტუტის პროექტია, მისი დირექტორია ბატონი ამირან ბერძენიშვილი, მასში სხვადასხვა პროექტზე განსხვავებული აზროვნებისა და განათლების 15-მდე ადამიანი მუშაობს.“

„საზოგადოება უკეთესი საზოგადოებისათვის“ — ეს ნიშნავს, რომ ყოველი ადამიანი უნდა ეცადოს, რომ საზოგადოება უკეთესი გახდეს.

## მიზანი ახართლავს გზავს

მიხეილ გაბელია: „მიმაჩნია, რომ მიზნის მისაღწევად ნებისმიერი საშუალება არ არის გამართლებული. რაც უნდა კარგი მიზანი დავისახო, ჩემთვის მიუღებელია ვინმესთვის ბოროტების გაკეთება, რადგან ჩადენილი ბოროტება ყოველთვის იჩენს თავს. თუმცა, ზოგჯერ, შენგან დამოუკიდებლად მაინც ხდება ისე, რომ ვინმე შეიძლება უკმაყოფილო დარჩეს ან ერთი საქმის გაკეთებით სხვას რაიმე ზიანი მიადგეს. ერთი რამ კი

თამამად შემიძლია ვთქვა: წარმატებისთვის ვინმეს დაზარალების პრინციპით არასოდეს ვხელმძღვანელობ“.

მიშა ჯერ 22 წლისა და იგი საზოგადოების დიდმა ნაწილმა უკვე გაიცნო, როგორც socium.ge-ს შემქმნელი, თავად კი თვლის, რომ — „ამ ეტაპზე ჩემს ყველაზე დიდ წარმატებად საუნივერსიტეტო მარკეტინგული კონკურსი — „მისია 2011“ მიმაჩნია. ამ კონკურსისთვის ძალიან ბევრი ვიმუშავე და იმ კრეატიულმა იდეებმა, რაც მასში ჩავდე, გაამართლა“, — აღნიშნავს მიშა გაბელია.

## ცხოვრება უნივერსიტეტის მიღმა

„ვერთობი ბილიარდის თამაშით, სპორტიდან მიყვარს: ფეხბურთი, ჩოგბურთი... კალათბურთს ჯერჯერობით კარგად ვერ ვაფუგე. მიყვარს ავტომობილები, მაინტერესებს საბრძოლო იარაღები.“

შეყვარებული არ მყავს. ვფიქრობ, ყველაზე მნიშვნელოვანია, როდესაც პირადი ცხოვრება და საქმე ჰარმონიულად არის ერთმანეთთან შერწყმული. თუ ოჯახი გყავს, კარგია, როდესაც რჩევებს გაძლევენ, მათთან ერთად იდეებს განიხილავ, თუმცა, როგორც სოციოლოგიაში ვისწავლე, შენი სამსახურეობრივი პრობლემები ოჯახში შესვლამდე უნდა დატოვო. თუ ადამიანს იუმორის გრძნობა გაქვს, მაშინ პრობლემებს შედარებით ადვილად გადალახავს.

ვფიქრობ, არ არის ძნელი პირადი ცხოვრებისა და საქმის შეთავსება. მაქსიმალურად ვცდილობ — დრო სწორად გავანაწილო“, — გულახდილად საუბრობს მიშა პირად სამყაროზე.

## სამომავლო გეგმები

მიშა გაბელია უდიდეს მნიშვნელობას ანიჭებს თავის სუფალ აზროვნებას, კამათის კულტურას. „კამათში ჭეშმარიტება ადვილად დასანახი ხდება და ეს საზოგადოების განვითარების საწინდარია. ვინ არის მართალი და მტყუანი — ამას დრო აჩვენებს, ამიტომ, რაც უნდა მიუღებელი იყოს ადამიანის სოციალური და პოლიტიკური მოსაზრება, მისი მოსმენა უნდა შევძლოთ. თუ არ ეთანხმები, შეგიძლია გამოთქვა ალტერნატიული აზრი. თვითმიზანი არ უნდა იყოს ის, რომ სხვას დაუმტკიცო, რომ შენ მართალი ხარ“.

„მინდა, მომავალში ჩემი პროფესიით ვიმუშაო. კვალიფიკაციის ამაღლებას საზღვარგარეთაც ვფიქრობ“, — ასეთია მიშას გეგმები, თუმცა ამბობს, რომ წინასწარ არაფრის დაგეგმვა არ უყვარს, რადგან, შეიძლება, ნებისმიერმა მარტივმა ნიუანსმა შეცვალოს დაგეგმილი ცხოვრება.“





# შეუფასებელი ამაგი

ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის საქართველოს ისტორიის ინსტიტუტი მწუხარებით იუწყება, რომ გარდაიცვალა თსუ-ის საქართველოს ისტორიის კათედრის (დღეს საქართველოს ისტორიის ინსტიტუტი) პროფესორი და ღვანდომისი მეცნიერი ბიძი ჯამბურია. პროფესორ გივი ჯამბურიას ამაგი ქართველოლოგიის დარგში შეუფასებელია. მან დაგვიტოვა არამხოლოდ ათეულობით სამეცნიერო გამოკვლევა თუ პუბლიკაცია, არამედ გაზარდა ისტორიკოსთა რამდენიმე თაობა, რომლებიც დღემდე აგრძელებენ აქტიურ მუშაობას ისტორიის კვლევის კუთხით.

გივი ჯამბურია დაიბადა 1924 წლის 24 აგვისტოს ქ. სამტრედიისში. იქვე დაამთავრა საშუალო სკოლა. 1941-1946 წწ. სწავლობდა თბილისის სახელმწიფო უნივერსიტეტის ისტორიის ფაკულტეტზე საქართველოს ისტორიის სპეციალობით, შემდეგ კი (1949 წლამდე) საქართველოს მეცნიერებათა აკადემიის ისტორიის ინსტიტუტის ასპირანტურაში. მისი ხელმძღვანელი იყო ნიკო ბერძენიშვილი. სტუდენტობის დროს მას ჰქონდა ბენდიერება მოესმინა დიდი ქართველი მეცნიერების: სიმონ ჯანაშიას, ნიკო ბერძენიშვილის, გიორგი ჩიტაიას, გიორგი ნიორაძის, შალვა ამირანაშვილის, კოტე ბაქრაძის — ლექციები, რომელთაც მნიშვნელოვანი წვლილი შეიტანეს მისი, როგორც მოქალაქის, პიროვნების, მეცნიერის ჩამოყალიბების საქმეში. 1951 წელს დისერტაცია დაიცვა ისტორიის მეცნიერებათა კანდიდატის ხარისხის მოსაპოვებლად (თემაზე „ქართული ფეოდალური ურთიერთობის ისტორიიდან“), 1975 წელს კი — სადოქტორო დისერტაცია („საქართველოს სოციალურ-პოლიტიკური ვითარება XVII ს-ის პირველ ნახევარში“). გივი ჯამბურია მუშაობდა ჯერ ისტორიის ინსტიტუტში, შემდეგ კი — თბილისის სახელმწიფო უნივერსიტეტში საქართველოს ისტორიის კათედრაზე. იგი კითხულობდა საქართველოს ისტორიის ზოგად კურსს ისტორიის, ფილოლოგიის, ჟურნალისტიკისა და აღმოსავლეთმცოდნეობის ფაკულტეტებზე; ისტორიის ფაკულტეტზე ატარებდა სპეცკურსს ქართული ისტორიოგრაფიასა და წყაროთმცოდნეობაში. მან მოამზადა შვიდი ასპირანტი, რომლებმაც დაიცვეს საკანდიდატო დისერტაციები (ორმა მათგანმა კი — უკვე სადოქტორო დისერტა-

ცია). მისი რედაქტორობით რამდენიმე მონოგრაფიაც გამოვიდა.

გივი ჯამბურია 60 სამეცნიერო ნაშრომისა და 100-მდე საენციკლოპედიო სტატიის ავტორია. მის ნაშრომთაგან განსაკუთრებული მნიშვნელობა ენიჭება შემდეგ შრომებს:

- საქართველოს სოციალურ-პოლიტიკური ვითარება XVII ს-ის პირველ ნახევარში (სადოქტორო დისერტაცია. დაბეჭდილია ცალკეული ნაწილები, ხოლო სრული სახით გამოქვეყნდა მოგვიანებით);
- ქართული ფეოდალური ურთიერთობის ისტორიიდან, სომხით-საბარათიანოს სათავადოები (თბ. 1955);
- გიორგი სააკაძე (თბ. 1964);
- სამთავრო-სენიორალური სისტემა ადრეფეოდალური ხანის საქართველოში (ივანე ჯავახიშვილის სახელობის თბილისის სახელმწიფო უნივერსიტეტის შრომები, ტ. 227. თბ. 1982);
- „მოქალაქეთა“ საკითხისათვის გვიანი შუა საუკუნეების საქართველოში. ტერმინ „მოქალაქის“ მნიშვნელობა საქართველოში (XVII-XVIII სს-ში). (ივანე ჯავახიშვილის სახელობის თბილისის სახელმწიფო უნივერსიტეტის შრომები, ტ. 246. თბ. 1984);
- იმუნიტეტი საქართველოში (VI-XIV სს.) (ნოდარ შოშიაშვილის ხსოვნისადმი მიძღვნილი ისტორიულ-ფილოლოგიური კრებული „ანამკი“. თბ. 2002);
- ბატონყმობის საკითხისათვის (ჟურნ. „მაცნე“. № 4. თბ. 1979);
- ბატონყმობისაგან გათავისუფლების ფაქტები საქართველოში (XII-XIII სს.) (ივანე ჯავახიშვილის სახელობის თბი-

ლისის სახელმწიფო უნივერსიტეტის შრომები, ტ. 349. თბ. 2003);

- საქართველოს სოციალურ-პოლიტიკური ვითარება XVII ს-ის პირველ ნახევარში (თბ. 2011) და სხვ.

მისი ნაშრომების ნაწილი 2007 წელს კრებულის სახითაც გამოიცა. (გივი ჯამბურია. ქართული ფეოდალიზმის საკითხები. თბ. 2007). ამ სტატიებში, ივანე ჯავახიშვილის მოსაზრებათა გათვალისწინებით, ნაჩვენებია, რომ ქართული და დასავლეთ ევროპული ფეოდალიზმის მსგავსება საკვებით აშკარაა. ასეთი ვითარება იყო საქართველოში მონღოლთა შემოსევამდე. შემდეგ ვითარება შეიცვალა. „საქართველოს ისტორიის ნარკვევების“ (რვატომეული) IV ტომში (თბ. 1973) დაბეჭდილია ნარკვევები: „სოციალური ურთიერთობა და კლასობრივი ბრძოლა საქართველოში XVI-XVII სს“; „ქართველი ხალხის ბრძოლა არსებობის შესანარჩუნებლად XVII ს-ის პირველ მე-სამედში“; „საქართველოს პოლიტიკური ვითარება XVII ს-ის 30-90-იან წლებში“. „საქართველოს ისტორიის ნარკვევების“ ავტორთა ჯგუფთან ერთად 1982 წელს გ. ჯამბურიას მიენიჭა საქართველოს სახელმწიფო პრემია. არის ლისების ორდენის კავალერიც. გივი ჯამბურია „თბილისის ისტორიის“ I ტომის (თბ. 1990) ერთ-ერთი თანაავტორიცაა. ამ გამოცემაში დაბეჭდილია მისი ნარკვევები:

- ბრძოლა ირანელ დამპყრობთა წინააღმდეგ XVII ს-ის პირველ მესამედში;
- ცვლილებები თბილისის პოლიტიკურ ცხოვრებაში XVII ს-ის 30-90-იან წლებში;
- ცვლილებები თბილისის სამოხელეო წყობილებაში XVI-XVII სს-ში;
- სოციალური ურთიერთობანი თბილისში;

უაღრესად საინტერესოდ მიგვაჩნია ქართული ისტორიოგრაფიის საკითხებისადმი მიძღვნილი გივი ჯამბურიას შრომები:

- საქართველოს შუა საუკუნეების ისტორიის საკითხები ქართულ საბჭოთა ისტორიოგრაფიაში (კრებ. „ისტორიული მეცნიერების განვითარება საბჭოთა საქართველოში“. თბ. 1986);
- ფეოდალური საქართველოს კლასებისა და კლასთა ბრძოლის საკითხები ქართულ ბურჟუაზიულ ისტორიოგრაფიაში (ჟურნ. „მასალები საქართველოსა და კავკასიის ისტორიისათვის“ (მსკი). ნაკვეთი 35. თბ. 1963);
- ივანე ჯავახიშვილი (ჟურნ. „საბჭოთა ქალი“. თბ. 1966);
- ნიკო ბერძენიშვილის წვლილი გვიან-საშუალო საუკუნეების ისტორიის შესწავლის საქმეში (კრებ. „ნიკო ბერძენიშვილი“ თბ. 1996);
- ზოგი რამ დავით გურამიშვილის საისტორიო პოემის შესახებ (კრებ. დედაცატი, თბ. 2001);
- ლევან მუსხელიშვილი (კრებ. „ლევან მუსხელიშვილი“. თბ. 2001).

გივი ჯამბურიას გამორჩეული წვლილი მიუძღვის გიორგი სააკაძის ღვანდის შესწავლისა და შეფასების საკითხში. მან მრავალი ბუნდოვანი საკითხი ახსნა ქართულ თუ უცხოურ ნარატიულ წყაროებზე დაყრდნობითა და სამეცნიერო ლიტერატურის გათვალისწინებით; დაადგინა სააკაძის ბიოგრაფიის მრავალი ახალი გარემოება, რომ საქართველოში შაჰ-აბას I-მა ილაშქრა არა ორჯერ, არამედ ოთხჯერ; ახსნა დიდი მოურავის შესახებ არსებული ორი დაპირისპირებული შეხედულების წარმოშობის მიზეზები და მეცნიერულადაც დაასაბუთა გიორგი სააკაძის ფასდაუდებელი დამსახურება სამშობლოს წინაშე. მისმა მონოგრაფიამ და ცალკეულმა წერილებმა გაფანტა ეჭვი და გაუგებრობა დიდი ისტორიული პიროვნების მიმართ და დამსახურებული ადგილი მიუჩინა გიორგი სააკაძეს საქართველოს ისტორიაში.

**თსუ-ის ჰუმანიტარულ მეცნიერებათა ფაკულტეტის საქართველოს ისტორიის ინსტიტუტი**

## ნინო სამხარაძის განხილვა

**„სიცოცხლე რომ გინახარია, ამაზე უფრო კარგი ბრძნობა არაფერია ამ ცხოვრებაში. ყველა ადამიანი იმედით ცხოვრობს და მეც იმედი მაქვს, რომ ჩემი ოცნებები გამართლდება“**

### ნინო სამხარაძე

უგონო შემთხვევითობამ ჭეშმარიტი ღვთისმოსავი წაგვართვა. არსებობს ტრაგედია ნანახი, გაგონილი, ნაკითხული, განცდილი, მძაფრი და... გამოგონებელი. აღმოჩნდა, რომ გამორჩეულის დაკარგვით უნდა გამოგვეცადა ეს ყველაფერი. ასე ინება განგებამ, ტკივილი მთელი სიმძაფრით რომ შეგვეგრძნო. მძაფრად შემოგვიტევეს ხოლმე მწარე რეალობის შეუვალი განცდა, რასაც ნინოს გარეშე სიცოცხლის გაგრძელება ჰქვია...

უსაშველოდ გვენატრება... თავზარდაცემულნი ვერ ვეგუებით მის ხსენებას წარსულში. ვერა და ვერ მოვერგეთ უმისობას, სულ თვალწინ გვიდგას... გვხიბლავდა მომავლის მისეული ხედვა. დიდად ვისაკლისებთ მის სათუთ დამოკიდებულებას ჩვენდამი. ის სულ რაღაც 21 წლის იყო. უნივერსიტეტის ჰუმანი-

ტარულ მეცნიერებათა ფაკულტეტის III კურსზე სწავლობდა. ნინოს არსებობა ძალის მომცემი იყო ამქვეყნიურ მანკიერებებთან ბრძოლაში, ხოლო უფაქიზე-სი სულიერება ამავდროულად ბავშვის მიაპიტობასთან იყო წილნაყარი. მისმა წასვლამ მიღმა სამყაროს იდუმალების წინაშე შიში გააქრო. უფლის მაღლიერნი ვართ, ნინო სამხარაძის სიცოცხლით სავსე ცხოვრების ზიარი რომ გაგვხადა. მოუშუშებელი ტკივილით ცხოვრება უფრო ღირსეული ყოფილა ახალშეცნობილი მარადისობის გადასახედიდან. ღმერთს ვთხოვთ, შეგვაძლებინოს ნინოს და მისი ოჯახის ერთგულება. ნინო კი ამ ქვეყნის მინას შეუერთდა და ის სიყვარული, რასაც ატარებდა, მას შეერწყა. მუდამ, მუდამ გვემახსოვრება...

**ნინოს მასწავლებლები**



თვალეები სულის სარკეაო, ამბობენ. მართლაც განსხვავებული თვალეები ჰქონდა, სუფთა, გაბრწყინებული... სიცოცხლის სავსე იყო, მარად მომღიმარი. მისი დაუდევარი სული სიყვარულით ებრძოდა ადამიანების ყოველდღიურ სისუსტეებს, მანკიერებებს, სხვანაირად არც შეეძლო. ახლავა ვხვდებით, რომ დასახულ მიზანს ყოველთვის აღწევდა — ჩვენთვის ნინო გამარჯვებასთან ასოცირდება... თუმცა ეს ნუთისოფელი დიდხანს არავის ახარებს. უეცრად წავიდა და უსაზღვრო ტკივილი დატოვა...

**ნინოს კურსელები**



# პერსონალის გავრცელება გავრცელო ან გავრცელო ჩემი ნაქარბები



ლელა კვანტალიანი

თამარ გელაშვილი ქარგვის საოცარი ნიჭის აღმოჩენის შესახებ ისტორიას ასე იხსენებს: „საზაფხულო არდადეგების ერთ საღამოს მოვიხილეთ გვირილის ამოქარგვა უბრალო საკერავი დაფებით. თუმცა, ვფიქრობდი, რომ ეს ჩემი საქმე არ იყო და არაფერი გამოვიფიქროვდი. დილას, როცა დედამ მოქარგული გვიჩვენა ნახა, მოეწონა. მეორე დღეს ფერადი მულისის დაფები იყიდა, მომიტანა და მითხრა — ქარგვა ისწავლეო. ეს ერთგვარი სტიმული იყო ჩემთვის. თუმცა, მასწავლებელთან არ მივსულვარ, იმთავითვე ჩემი

მეული ტექნოლოგიით ვქარგავდი. პირველი ნამუშევარი მარტივი იყო — ჩიტი ყვავილის ტოტზე“.

თამარის დის ნათლია — ნინო მიქაძე საოცრად ქარგავს. სწორედ მისი ნაქარგები გახდა თამარის შთაბეჭებით ნყარო, რათა ხატები მოქარგვა. როდესაც მიხვდა, რომ ქარგვა მისთვის ვართობასა და უბრალო გატაცებაზე მეტს ნიშნავდა, პირველი სერიოზული ნამუშევარი — „გეთსიმანიის ბაღში უფლის ლოცვა“ გახლდათ. ამ ნაქარგის შექმნას თამარი განსაკუთრებული ემოციით იხსენებს: „ჯერ ტილოზე გადმოვწერე ხატი შავი ფანქრით, შემდეგ ფერები შევუხამე. ვერ დავიცავი ეკ-

ლესიური კანონიკა იმ მარტივი მიზეზის გამო, რომ არ მისწავლია. ქარგვის დროს უბრალოდ ვგრძობდი, რომ უფლისგან მონიჭებული მადლი მეხმარებოდა კონტურების გამოკვეთაში“. მას შემდეგ, რაც თამარმა ხატი ამოქარგა და საოცარი მადლის ძალა იგრძნო, ბუნების პეიზაჟებისა და ყვავილების ქარგვა დროის ფუჭად ქარგვად მიიჩნია.

ქარგვისას დიდ სიამოვნებას იღებს. ერთადერთი მიზეზი, რის გამოც ამჟამად აქტიურად ვერ ქარგავს, მოუცლელობაა. თამარი ივანე ჯავახიშვილის სახელობის თბილისის სახელმწიფო უნივერსიტეტის მაგისტრატურის დამამთავრებელი კურსის სტუდენტია. მაშინ, როდესაც ბაკალავრიატში ვეროპათმცოდნეობაზე აბარებდა, კარგად ვერ აცნობიერებდა, თუ რას მოიცავდა ეს კურსი? რას ნიშნავს იყო ვეროპათმცოდნე? როგორც ახლა იხსენებს, იგი უფრო მეტად კურსის სახელწოდებამ მოხიზლა, რადგან იცოდა, რომ: „ვეროპათმცოდნეობაში მეტი თავისუფლებაა — ამ სიტყვის საუკეთესო გაგებით“. ახლა თამარი უნივერსიტეტის მიმართულუბაზე მაგისტრატურას ამთავრებს. პროფესიის შეცვლა ერთერთმა ლექტორმა გადაწყვეტინა და როგორც თავად აღნიშნავს, მისგან ბევრი რამ ისწავლა, როგორც პროფესიული, ასევე, ადამიანური თვლსაზრისითაც.

„ერთხელაც არ გამოიცდენია, იმდენად საინტერესო

და სასარგებლო იყო კონსტანტინე ჟღენტის ლექციები. ბატონი კონსტანტინე კონფლიქტოლოგიას გვასწავლიდა. სწორედ მან მიჩნია, რომ ჩამებარებინა ჟურნალისტიკაზე. ალბათ, ჩემში ნახა რაღაც ისეთი, რაც ჟურნალისტიკისთვის საჭიროა. არ ვიცი...“ თუმცა, ჟურნალისტიკის ფაკულტეტზე ჩაბარება არ იყო მხოლოდ რჩევების საფუძველზე მიღებული გადაწყვეტილება — „მიყვარს აქტიური ცხოვრება. ეს სპეციალობა გაძლევს საშუალებას — სხვადასხვა პროფესია მეტ-ნაკლებად შეითავსო. მიმაჩნია, რომ ჟურნალისტიკის საზოგადოებაში განსაკუთრებული პასუხისმგებლობა აკისრია.“

უნივერსიტეტს აქვს ასეთი ტრადიცია, რომ მაღალი აკადემიური მოსწრების მქონე სტუდენტებს აფინანსებს. თამარი სწორედ ამ სტუდენტთა რიცხვს მიეკუთვნება, წინააღმდეგ შემთხვევაში კი შეიძლება მას სწავლა ვერც გაეგრძელებინა.

თამარ გელაშვილი შემოქმედებითი ადამიანია. მისი ინტერესები მრავალმხრივია, უყვარს მუსიკა: კლასიკური, საგალობლები, ჯაზი და როკი. ერთი პერიოდი მომღერლობასაც ფიქრობდა და მუსიკალურ სასწავლებელში სიმღერაზეც დადიოდა. ბავშვობაში განსაკუთრებით ხიბლავდა აუდიოტორიის აპლოდისმენტები.

საგალობლების მოსმენა ქარგვის დროს ძალიან ეხმა-

რება. იმედოვნებს, რომ მომავალში გამოფენის მოწყობას შეძლებს და თავის ნამუშევრებს საზოგადოებას გააცნობს. მისთვის ყოველი ნაქარგი ძვირფასია, რადგან მათში უდიდეს ძალისხმევასა და მონდომებას აქსოვს. „ალბათ, ვერასდროს გავიმეტებ გავყვილო ან გავაჩუქო ჩემი ნაქარგები, თუმცა შევანადგინებ მონასტერში ინახება ერთი პატარა, წმინდა გიორგის ხატი, რომელიც ერთერთი მამოს კურთხევითა და თხოვნით ამოვქარგე უძველესი ჭედური ხატის პერანგად“.

თამარს ხელნაკეთი ნივთები უყვარს, განსაკუთრებით ეროვნული — ქართული, რომელიც დახვეწილი გემოვნებით, მდიდარი ფანტაზიით, ფერების ჰარმონიული შეხამებით, სხვადასხვა ნაციონალური ორნამენტებით გამოირჩევა.

თამარ გელაშვილს სურს, თავისი ინტერესის სფეროებში მაქსიმალურად გაეცნოს და მცირე წვლილი მაინც შეიტანოს. „არ მინდა ვიყო მხოლოდ ერთ სფეროში გათვითცნობიერებული და განზე დამრჩეს სხვა, ის, რაც, თუნდაც უბრალოდ მაინტერესებს. მაგალითად, ფოტოგრაფიაც ძალიან მიტაცებს. მაქვს რამდენიმე ისეთი ფოტო, რომელიც მომწონს. მინდა პირველი ხელფასით (თუ ოდენობა საშუალებას მომცემს) შევიძინო ფოტოაპარატი და გადავიღო თუნდაც ქართული ხალხური ხელსაქმის ოსტატთა მიერ შექმნილი კომპოზიციები“.

თამარ გელაშვილი მომავლის გეგმებს აწყობს და გატაცებებს თავის უნარს აქსოვს — არ შეიძლება, ასეთი ნიჭისა და უნარის მქონე სტუდენტი უნივერსიტეტს არ გაეცნო.



## სტუდენტური არდადეგები გამოცდების ციებ-ცხელების უმდეგ



ნანა ღირსიაშვილი

სტუდენტობა... წლები, როცა ცხოვრებასთან პირისპირ გადიხარ ასპარეზზე, გსურს და ცდილობ ნარმატიული იყო, რომლისთვისაც შრომა, სურვილი და ძალისხმევაა საჭირო. ყოველი სემესტრის დაწყებას ახალი ძალებით, ახალი მისწრაფებებით ხვდები, რადგან მშობლების ხშირად ნათქვამი სიტყვები — „სტუდენტობის წლები საუკეთესოა“, — უმეტეს შემთხვევაში ამართლებს და შენც გიხარია ეს... თუმცა, სემესტრი დასასრულს რომ უახლოვდება, მხოლოდ მაშინ ვგრძობთ დაღლას, რადგან წინ გამოცდებია და მანამდე დაგროვილი მასალა სწავლას (ზოგიერთ შემთხვევაში კი „შპარგალკისთვის“ მომზადებას) ითხოვს... ეს ის პერიოდია, როცა ჩვენი თითქმის ყოველი მეორე წინადადებაა: „ეჰ, როდის დავისვენებთ“, „ეს არდადეგებიც რომ არ მოვიდა“... როგორც იქნა, სააუდიტორიო მეცადინეობები დამთავრდა და გამოცდების ციებ-ცხელებაში ჩაერთო ყველა. წლის განმავლობაში საკმარისი დრო გვაქვს იმაზე ფიქრისთვის, თუ სად სჯობს დასვენება, როგორ გავატაროთ არდადეგები, როგორ დავტკბეთ თავისუფალი დროით — ასე ნანატრი დროით...

მაინტერესებდა, თუ სად აპირებდნენ სტუდენტები დასვენებას არდადეგებზე, როგორ გაატარებდნენ თავისუფალ დროს და, საერთოდ, მათი აზრით, რას ნიშნავს თავისუფალი დრო. საბედნიეროდ, XXI საუკუნეში გამოკითხვის მრავალი საშუალება თუ ფორმა არსებობს. მეც მანის არ გავუშვი ხელიდან და გთავაზობთ ჩემი ჟურნალისტიკის მცდელობის შედეგებს.

### ლელა გომოლაძე, სოციალურ და პოლიტიკურ მეცნიერებათა ფაკულტეტის უნივერსიტეტის მიმართულების მე-4 კურსის სტუდენტი:

- სად აპირებ დასვენებას? — დავამთავრე უნივერსიტეტი და ტელევიზიაში ვიწყებ სტაჟირებას, ნიუსრუმში ისეთი გრაფიკია, რომ ვერსად მოვახერხებ ნასვლას და გული მწყდება. საერთოდ, დასავლეთ საქართველოში, სოფელში მივიღივარ ხოლმე დასასვენებლად ნათესავებთან. ყოველთვის ვსტუმრობ ზღვასაც. ვკითხულობ ნიგნებს, რასაც სწავლის პროცესში ვერ ვახერხებ.
- სად ისურვებდი დასვენებას? — ვისურვებდი ზღვაზე დასვენებას, სამეგრელოში ბებიასთან ჩასვლას. ძალიან მინდა დუშეთში წასვლა, რადგან იქ არასოდეს ვყოფილვარ და დიდი სურვილი მაქვს იქაურობის ნახვის.

### მარიამ გიგაშვილი, სოციალურ და პოლიტიკურ მეცნიერებათა ფაკულტეტის უნივერსიტეტის მიმართულების მე-4 კურსის სტუდენტი:

- გამოცდებმა ძალიან გადამალა, ეს წელი გადატირებული მქონდა. არდადეგებზე ზღვაზე წასვლას ვაპირებ. თავისუფალ დროს ვარ სოციალურ ქსელებში.
- სად ისურვებდი დასვენებას? — მინდა მოგზაურობა ეგვიპტეში.

### ნინო ჩიხლაძე, სოციალურ და პოლიტიკურ მეცნიერებათა ფაკულტეტის უნივერსიტეტის მიმართულების მაგისტრატურის მე-2 კურსის სტუდენტი:

- აგვისტოში ერთი თვით სურამში წავალ დასვენებას, შემდეგ ზღვაზე ვაპირებ დასვენებას მეგობრებთან ერთად.

თავისუფალ დროს ვკითხულობ ნიგნებს, ვუსმენ მუსიკას და დაკავებული ვარ ჩემი საყვარელი საქმიანობით — თევზაობით.

- სად ისურვებდი დასვენებას? — სიამოვნებით წავიდოდი საფრანგეთში და ეგვიპტეში.

### თამარ გელაშვილი, სოციალურ და პოლიტიკურ მეცნიერებათა ფაკულტეტის უნივერსიტეტის მიმართულების მაგისტრატურის მე-2 კურსის სტუდენტი:

- სად აპირებ დასვენებას? — ამ ზაფხულს ზუსტად არ ვიცი, თუმცა მეგობრებმა შემომთავაზეს, რომ ზღვისპირა რომელიმე ქალაქში ვიქირაოთ ბუნგალო და სასიამოვნო დასვენება მოვიწყოთ. თუ მოვახერხებ ზღვაზე წასვლას, ძალიან გამიხარდება, მითუმეტეს ასეთი დამლული სემესტრის შემდეგ, როგორც მქონდა.

ჩვეულებრივ ზაფხულობით სამეგრელოში მივმგზავრები. სოფელში ბებია და ბაბუა მხვდებიან, პატარა ბავშვივით ერთი სული მაქვს როდის ვნახავ მოხუცებს, იქაურობა ძალიან მიყვარს.

### ანი სელაძე, სოციალურ და პოლიტიკურ მეცნიერებათა ფაკულტეტის უნივერსიტეტის მიმართულების მაგისტრატურის მე-2 კურსის სტუდენტი:

- სად აპირებ დასვენებას? — ზაფხულის არდადეგების გატარებას მეგობრებთან ერთად ზღვაზე ვაპირებ, რადგან ერთად კარგად ვერთობით. ზაფხულის მეორე ნახევარში სოფელში წავალთ, ვივლი მდინარეზე და ვითევზავებთ.
- სად ისურვებდი დასვენებას? — ძალიან მინდა სადმე საზღვარგარეთ წასვლა ნებისმიერ ქვეყანაში. განსაკუთრებით მინდა პარიზის ნახვა.

მთავარი რედაქტორი	ნინო კაკულია	რედაქციის ხელმძღვანელი	მისამართი:
მთავარი სამცხე-ჯავახეთის	მაია ტორაძე	რისმაც გორდენიანი, ნოდარ ბელქანი, იაკო კაჭკაჭიშვილი, ლადო მინაშვილი, ნინო ჩიხლაძე, თემურ ნადარეიშვილი, ნოდარ ხადური, მარინე ჩიტაშვილი, ვაჟა კიკნაძე, დინა ძიძიგური, მარიამ გერსამია, თეა ჯულელი	ილია ჭავჭავაძის გამზ. 11*
ხაზინის რედაქტორი	მანანა ჯურხაძე		(თსუ-ის მე-3 კორპუსი)
სტაჟირის უნივერსიტეტი	ლელა კვანტალიანი		
	ნანა ღირსიაშვილი		
ფოტოგრაფიის განყოფილება	შოთა თუთბერიძე		
კომპ. უზრუნველყოფა	ზაზა გულაშვილი		